

dio assistentes faciant auctoritate nostra illos, eorumque singulos confirmatione, approbatione, adfectione, suppletionem decreto, aliisque praemissis juxta praesentium tenorem pacifice frui, & gaudere, non permittentes eos, vel eorum aliquem desuper per ipsos Legatum, Vice-Legatum, Procuratorem Fiscalem, seu alios quoscumque quomodolibet indebite molestari, perturbari, aut inquietari; Contradictores quoscumque, & rebelles censuris, & poenis, aliisque opportunitis juris remediis, eadem auctoritate nostra, appellatione postposita, compescendo, ac legitimis super his habendis servatis processibus, illas censuras, & poenas, etiam iteratis vicibus aggravando, invocato etiam ad hoc, si opus fuerit, auxilio brachii secularis. Non obstantibus praemissis, ac fel. rec. Bonifacii Papae VIII. etiam Praedecessoris nostri de una, vel Concilii Generalis de duabus dietis, dummodo quis auctoritate praesentium ultra tres dietas non extrahatur, aliisque Constitutionibus, & Ordinationibus Apostolicis, ac etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis pro tempore existentibus, Legato, Vice-Legato, & quibusvis aliis sub quibuscumque tenoribus, & formis, ac cum quibusvis, etiam derogatoriis derogatoriis, aliisque efficacioribus, & insolitis clausulis, irritantibus, & aliis decretis, etiam iteratis vicibus in genere, vel in specie, & aliis quomodolibet concessis, approbatis, & innovatis. Quibus omnibus, etiam si pro sufficienti illorum derogatione, de illis, eorumque totis tenoribus, specialis, specifica, expressa, & individua, non autem per clausulas generales idem importantes mentio, seu quaevis alia expressio habenda, aut aliqua alia exquilita forma, ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata, inserti forent, praesentibus pro sufficienter expressis, & insertis habentes, illis aliis in suo robore permanentibus, hac vice dumtaxat, harum serie specialiter, & expresse derogamus, ceterisque contrariis quibuscumque; Aut si Legato, aut Vice-Legato praedictis, vel quibusvis aliis communiter, vel divisim ab eadem sit Sede indultum, quod interdici, suspendi, & excommunicari non possint per Literas Apostolicas non facientes plenam, & expressam, ac de verbo ad verbum de indulto hujusmodi mentionem. Datum Romae apud Sanctum Marcum sub Annulo Piscatoris die 24. mensis Julii 1593. Pontificatus nostri Anno II.

Clerus hujusmodi Concordiam litterarum a Clemente VIII. emanatas, confirmari petit.

§.2. Cum autem sicut Clerus, singularisque personae ecclesiae Nobis nuper exponi fecerunt, post revocationem privilegiorum, gratiarum, & Indultorum in praedictis Sedis, & Camerae Apostolicae concessorum a Nobis subdatum Romae apud S. Mariam Majorem Anno Incarnationis Dominicae 1624. xlii. Kal. Novem-

bris Pontificatus Nostri Anno secundo factam cum Clerus, & personae ecclesiae praedictae ad dilectum filium nostrum Franciscum tunc Sanctae Agathae Diaconum, Cardinalem Barberinum nuncupatum, nostrum secundum carnem ex fratre germano nepotem in Civitate Avenionensi, & Comitatu Venayssino praedictis nostrum, & Apostolicae Sedis de latere Legatum recurrissent, ne per Apostolicae Sedis Ministros contra praesentiarum literarum continentiam, & tenorem super spoliis molestarentur, idem Franciscus Cardinalis, & Legatus per suas ad venerabilem fratrem Cosmum Episcopum Carpentoraten. tunc in Civitate, & Comitatu praedictis Vicelegatum sub die 22. Aprilis 1625. datas literas eidem Cosmo Episcopo, & Vicelegato injunxit, ne ultra haeredibus personarum ecclesiarum iniri pro tempore decedentium super bonis, de quibus disposuissent molestia inferretur, sed his desuper, qui ante revocationem praedictam servatus fuerat modus, de cetero servaretur; & propterea pro majori Cleri, & personarum ecclesiarum praedictarum securitate, & quiete, Clerus, & personae ecclesiae hujusmodi plurimum cupiant sibi per Nos desuper opportune provideri.

§.3. Nos eosdem Clerum, & personas specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris & poenis a Jure, vel ab homine quavis occasione, vel causa latis, si quibus quomodolibet innodati existunt ad effectum praesentium dumtaxat consequendum harum serie absolventes, & absolutas fore censentes, supplicationibus illorum nomine, Nobis super hoc humiliter porrectis, inclinati praesentis dicti Clementis praedecessoris literas, nec non literas praedictas Francisci Cardinalis, & Legati praedicti, ac omnia, & singula in eis contenta apostolica auctoritate tenore praesentium perpetuo approbamus, & confirmamus, ac illis perpetuae, & inviolabilis apostolicae firmitatis robur adjicimus, illasque, & illa, & praesentes literas nullo unquam tempore, & ad cujuscumque Legati instantiam ex quacumque causa revocari, alterari, limitari, aut derogari, seu de subreptionis, vel obreptionis, aut nullitatis vitio, seu intentionis nostrae, vel alio quopiam defectu notari posse, sed semper, & omni tempore valida, firma, & efficacia existere, & fore, suosque plenarios, & integros effectus sortiri, & obtinere, ac Clero, & personis ecclesiasticis praedictis in omnibus, & per omnia plenissime suffragari, perinde ac si revocatio praedicta nunquam emanasset.

§.4. Sicque, & non aliter per quoscumque Judices, & Commissarios quavis auctoritate fungentes, etiam S. R. E. Cardines sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere, ac irritum, & inane si secus super his a quocumque

Urbanus confirmat.

Ita iudicari decernit.

quam quavis auctoritate scierit, vel ignotanter contigerit attentari decernimus.

§.5. Quo circa dilectis filiis Casarum Curiae, Camerae Apostolicae generali Auditori, ac Avenionensi, & Carpentoraten. Ecclesiarum. Praepositis per praesentes committimus, & mandamus, quatenus ipsi, vel duo, aut unus eorum per se, vel alium, seu alios praesentes literas, & in eis contenta quaecumque ubi, & quando opus fuerit, ac quoties pro parte Cleri, & personarum ecclesiarum hujusmodi, & successorum, seu ab eis causam habent, vel alicujus eorum fuerint requisiti solemniter publicantes, eisque in praemissis efficacis defensionis praesidio assistentes faciant auctoritate nostra, illos praemissorum omnium, ac praesentium literarum commodo, & effectui pacifice frui, & gaudere. Non permittentes illos desuper a quocumque indebite molestari, perturbari, aut inquietari; contradictores quoscumque, & rebelles per sententias, censuras, & poenas ecclesiasticas, aliaque opportuna Juris, & facti defectus, appellatione postposita compescendo, legitimisque super his habendis, servatis processibus censuras, & poenas ipsas, etiam iteratis vicibus aggravando, invocato etiam ad hoc si opus fuerit, auxilio brachii secularis.

Obstantibus derogat.

Dat. die 19. Febr. 1633. Ann. X.

§.6. Non obstantibus revocatione, ac desuper confectis literis nostris praedictis, ac omnibus illis, quae dictus Clemens Praedecessor in eisdem praesentis literis voluit non ob stare, ceterisque contrariis quibuscumque.

Datum Romae apud S. Petrum sub Annulo Piscatoris die 19. Februarii 1633. Pontificatus Nostri Anno Decimo.

CDXXIII.

Ex Regest. in Secret. Brevis.

Applicatio Villae Torokaniae spectantis ad Archimandriam Zydicinensem Ordinis S. Basilii Ruthenorum Collegio per Archiepiscopum Chiovien. Metropolitanam. Russiae erigendo pro instruendis Ruthenis, & Moscovitis Adolescentibus.

URBANUS PAPA VIII.

Ad perpetuam rei memoriam.

Archiepiscopus Chiovien. Collegium pro Ruthenis, & Moscovitis Adolescentibus erigere cupit.

Ideo quamdam Villam pro hujusmodi Collegii dote applicari petit.

§.1. Exponi Nobis nuper fecit Venerabilis Frater Josephus Archiepiscopus Chiovien totius Russiae Metropolitanus, quod ipse ad Dei laudem, & gloriam, ac juventutis in bonis artibus, & ecclesiastica disciplina instructionem unum Collegium in illis partibus pro Ruthenis, & Moscovitis Adolescentibus instruendis erigere intendit.

§.2. Cum autem sicut eadem expositio subjungebat praedictus Archiepiscopus Villam Torokani de iuribus, & pertinentiis Archimandritae Zydicinensis existentem, quae, ut asserit, ante triginta annos a bo. me. Hippatio Archiepiscopo Chiovien. ipsius Josephi Archiepiscopi Antecessore Bull. Rom. Tom. VI. Par. I.

pro dote Collegii Ruthenorum unitorum erigendi duobus postremis Archimandritis scripto consentientibus destinata, ejusque redditus interim Monasteriorum Monachorum Ordinis Sancti Basilii eorumdem Ruthenorum, Civitatis Vilnae, in quo, ut etiam asserit, juvenes tam inferioribus, quam altioribus studiis instruebantur, applicati fuerant, Collegio per ipsum Josephum Archiepiscopum erigendo, ut praefertur, per Nos apostolica auctoritate applicari summo opere desideret.

Quod Urbani concedit.

§.3. Nos qui piorum operum incrementum sinceris desideramus affectibus, piis ipsius Josephi Archiepiscopi votis in praemissis quantum cum Domino possumus annuere, ipsumque specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a Jure, vel ab homine quavis occasione vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, necnon villam hujusmodi fructuum, reddituum, & proventuum veros annuos valores praesentibus pro expressis habentes, supplicationibus, ejus nomine nobis super hoc humiliter porrectis, inclinati, Villam praedictam cum omnibus Juribus, membris, & pertinentiis suis Collegio per dictum Josephum Archiepiscopum, ut praefertur, erigendo, si, & postquam canonice erectum fuerit pro illius dote, & mantentione, ejusque Rectoris, & Collegialium pro tempore existentium congrua sustentatione, ita quod liceat Rectori, Collegialibus ipsis corporalem, realem, actualem possessionem dictae Villae, ejusque Jurium, membrorum, & pertinentiarum quorumcumque apprehendere, & apprehensam perpetuo retinere, fructus quoque, redditus, & proventus, jura, obventiones, & emolumenta quaecumque percipere, exigere, levare, locare, arrendare, ac in omnes ipsius Collegii usus, & necessitates convertere cujusvis licentia desuper minime requisita apostolica auctoritate tenore praesentium perpetuo applicamus, & appropriamus.

Clausula.

§.4. Decernentes praesentes literas validas, firmas, & efficaces existere, & fore, suosque plenarios, & integros effectus sortiri, & obtinere, ac iis, quos illae concernunt in omnibus, & per omnia plenissime suffragari, sicque per quoscumque Judices ordinarios, & delegatos etiam causarum Palatii Apostolici Auditores judicari, ac definiti debere, ac irritum, & inane, si secus super his a quocumque quavis auctoritate scierit, vel ignotanter contigerit attentari.

Derogatio Contrariis.

§.5. Non obstantibus constitutionibus, & ordinationibus apostolicis, aliisque praemissis, ac Archimandritatus, & monasterii praedictorum, & quibusvis aliis, etiam juramento, confirmatione apostolica, vel quavis firmitate alia roboratis statutis, & con-

conuocandibus, privilegiis quoque, Indultis, & literis apostolicis, in contrarium praemissorum quomodolibet concessis, confirmatis, & innovatis, quibus omnibus, & singulis eorum omnium tenores praesentibus pro sufficienter expressis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud Sanctum Petrum sub Annulo Piscatoris die 21. Februarii 1633. Pontificatus nostri Anno Decimo.

CDXXIV.

Facultas Regi Christianissimo admittendi aetate minores ad habitum Ordinis Militaris S. Spiritus.

Charissimo in Christo filio Nostro Ludovico Francorum Regi Christianissimo.

URBANUS PAPA VIII.

Charissime in Christo fili noster salutem, & apostolicam benedictionem.

§.1. CUM Majestas tua per suas literas nobis humiliter supplicari fecerit, quatenus ei facultatem concedere de benignitate apostolica dignemur, personas generis nobilitate, & praerogatis Majestatis tuae servitiis conspicuas, alias tamen qualificatas, etiam si in aetate a militaris ordinis Sancti Spiritus, cujus tu perpetuus Administrator esse dignosceris, statutis requisita, constituta non fuerint, recipiendi, & admittendi in milites militaris ordinis praedicti, & cum eis alias tamen habilibus, quoad receptionem, & admissionem hujusmodi, omnia, & singula, quae a Sacro Concilio Tridentino non prohibentur, faciendi.

§.2. Nos Majestatis tuae supplicationibus hujusmodi inclinati, eidem majestati tuae facultatem praedictam apostolica auctoritate tenore praesentium concedimus, & impartimur.

§.3. Non obstantibus praemissis, ac constitutionibus, & ordinationibus apostolicis, ac dicti militaris Ordinis etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis eorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanentibus, ad praemissorum effectum, hac vice dumtaxat specialiter, & expresse derogamus. ceterisque contrariis quibuscumque.

Datum Romae apud Sanctum Petrum sub Annulo Piscatoris die 21. Februarii 1633. Pontificatus Nostri Anno decimo.

Ludovicus Rex facit rem, de qua in Rubrica, sibi concedi petit.

Cui Urbanus annuit.

Derog. Constitutionum.

Dat. die 21. Febr. 1633. Anno X.

De Missionibus Religiosorum cujuscumque Ordinis ad Japonicas, & alias Indiarum Orientalium Regiones: Impedientium poenis, & aliis ad eas pertinentibus.

Ad hoc vide Clem. VIII. Constit. CCXXXVI. Onerosa. Tom. V. Par. II. fol. 323. Et Paul. V. Constit. CII. Sedis Apostolicae. Tom. V. Par. III. fol. 318.

URBANUS PAPA OCTAVUS

Universis Christianis fidelibus praesentes literas inspecturis, salutem, & apostolicam benedictionem.

EX debito pastoralis officii salutem animarum, & fidei catholicae propagationi prospicientes, ea, quae provide a Romanis Pontificibus Praedecessoribus nostris propterea ordinata fuerunt, si subinde experientia doceat, ea mutatione indigere, libenter immutamus, aliasque disponimus, prout ad fidei catholicae propagationem, & animarum salutem hujusmodi conspiciamus in Domino salubriter expedire.

§.1. Alias siquidem fel. rec. Gregorius XIII. Praedecessor noster, certis tunc expressis causis adductus, per suas in simili forma Brevis Literas sub dat. die 28. Januarii 1585. Pontificatus sui Anno XIII. Omnibus Patriarchis, & Episcopis, etiam Provinciae Chinae, & Japonis, sub interdicti ecclesiastici, & suspensionis ab ingressu Ecclesiae, & Pontificalium exercitio; aliis vero Sacerdotibus, Clericis, & Ministris ecclesiasticis, tam secularibus, quam cujusvis Ordinis regularibus, cujuscumque status, gradus, ordinis, & conditionis existerent, sub excommunicationis majoris poenis ipso facto incurrendis interdixit, & inhibuit, ne ad Sinarum regiones, & Provincias Japonicas Evangelii praedicandi, vel doctrinam christianam docendi, aut Sacramenta administrandi, aliaque munia ecclesiastica obeundi caula, sine sua, & Sedis Apostolicae expressa licentia proficisci audeant.

§.2. Postmodum autem rec. mem. Clemens Papa VIII. similiter Praedecessor noster, accepto quod tam Chinae, & Japonum, quam alia illius viciniae, & adjacentes Insulae, Regiones, & Provinciae, ac finitima Regna Indiae Orientalis amplissima, & populis refertissima erant, & pro tanta animarum multitudine ad fidem catholicam traducenda, & spiritualibus alimentis fovenda, plures operarii, ac ministri necessarii erant, quam ex sola Religiosorum Societate Jesu haberi poterant; omnibus, & singulis Mendicantium Ordinum Magistris, seu Prioribus Generalibus tunc, & pro tempore existentibus indulget, ut cum necessitas postulasset, quoslibet Ordinis sui spectatae vitae, & eruditionis religiosos, quos nimirum ad praedicta officia, & ministeria idoneos, & utiles fore in Domino judicarent,

Exordium.

Gregor. XIII. prohibuit ne quisquam accederet ad Provincias Japonicas praedicandi causa sine Sedis Apostolicae licentia.

Hanc prohibitionem declaravit Clemens VIII. ut in Const. cit. in Rubric.

rent, per Lusitaniam dumtaxat, & suscepta inde navigatione, in Indias, & Civitatem Goam, atque ad Superiores Ordinum in illis partibus existentes transmittere; & tam ipsi sic transmittendi, quam alii praedictorum Ordinum Religiosi in eisdem Indiaram partibus existentes, & ad hoc munus obeundum a suis Magistris, Ministris, vel Prioribus Generalibus, seu aliis Superioribus electi, & approbati, tam ad Japonicas praedictas, quam ad alias proximas, & adjacentes etiam Chinae, & finitimorum Regnorum, & terrae firmae Indiae Orientalis Insulas, Regiones, & Provincias accedere possent. Ceterum omnibus, & singulis Religiosis cujuscumque status, gradus, ordinis, & conditionis essent, sub excommunicationis majoris, a qua non nisi a Romano Pontifice, praeterquam in articulo mortis absolvi possent, necnon privationis vocis tam activae, quam passivae, ac dignitatum, administrationum, & officiorum quorumcumque, necnon inhabilitatis ad illa, & alia imposterum obtinenda, ac exercenda poenis, ipso facto absque ulla declaratione incurrendis interdixit, & prohibuit, ne ex Insulis Philippinis nuncupatis, five quilibet alia Indiaram Occidentalium, vel quae pro partibus Indiaram Occidentalium tunc habebantur, parte ad illas pertinente, in Japonicas, & alias illis proximas, adjacentes, & finitimas Insulas, Provincias, & Regiones praedictas, etiam quorumcumque privilegiorum eis, vel suis Ordinibus a dicto Clemente, & Romanis Pontificibus Praedecessoribus suis, sub quibuscumque tenoribus, & formis in genere, vel in specie, etiam super facultate praedicandi verbum Dei per universum mundum eatenus concessorum, seu imposterum etiam concedendorum, approbandorum, & innovandorum, nisi in illis de prohibitione hujusmodi, & interdicto specialis, specifica, & expressa mentio, cum sufficienti derogatione fieret, aut quovis alio praetextu, & quavis colore proficisci, & transire audeant, vel praesumerent; & si qui eatenus, vel imposterum fecerint, postquam moniti essent, statim sub eisdem poenis, omni mora, & excusatione cessante, ad dictas Insulas Philippinas, vel alias partes Indiaram Occidentalium reverti, & redire omnino tenerentur; & ad id per quoscumque Judices ecclesiasticos sub eisdem, & aliis eorum arbitrio infligendis poenis cogi, & compelli possent.

§.3. Et subinde fel. rec. Paulus Papa V. similiter Praedecessor noster, accepto, experientia compertum esse, quod prohibitio accedendi ad Indias, & Civitatem Goam alias quam per Lusitaniam, nec qui sperabatur, ex eo fructum protulerat, neque catholicae fidei propagationis negotio utilis fuerat; & propterea ut tantum opus Dei, sublato omni impedimento, libere peragi posset, providere volens, omnibus, & singulis Mendicantium Ordinum Magistris, Ministris, seu Prioribus Generalibus, aut alio quocumque nomine nuncupatis Ordini-

Subinde Paulus V. nonnulla super hoc disposuit in Const. cit. in Rubric.

num capitibus tunc, & pro tempore existentibus, ut cum necessitas postularet, quoslibet Ordinis sui spectatae vitae, & eruditionis religiosos, quos nimirum ad praedicta officia, & munia idoneos, & utiles fore in Domino judicasset, ad Superiores Ordinum in illis partibus existentium, etiam per aliam viam, quam per Lusitaniam, in Japonicas, & alias illis proximas, adjacentes, & finitimas Insulas, Provincias, & Regiones praedictas, servata in reliquis dictarum Literarum Clementis Praedecessoris forma in omnibus, & per omnia, & non aliter, transmittere libere, & licite valeret, indulget; & alias prout in Gregorii, & Clementis, ac Pauli V. Praedecessorum praedictorum Literis desuper expeditis, quarum tenores praesentibus pro expressis haberi volumus, plenius continetur.

§.4. Cum autem experientia plurimorum annorum compertum fuerit, ordinationes in praedictis Literis contentas non sufficere, easque aliqua provisione indigere, ut in praedictas Insulas, & Regna feliciter, ac facilius Sacrosanctum Christi Domini Evangelium praedicari, & propagari possit, ac valeat: Nos pro officii nostri debito post habitam cum Venerabilibus Fratribus nostris Sanctae Romanae Ecclesiae Cardinalibus negotio propagandae Fidei per universum mundum praepositis maturam deliberationem, praefati Pauli Praedecessoris nostri Literis inhaerentes, omnibus, & singulis Religionum cujuscumque Ordinis, aut Instituti, etiam Societatis Jesu, Magistris, Ministris, Praepositis, seu Prioribus Generalibus, aut quocumque nomine nuncupentur, nunc, & pro tempore existentibus, auctoritate apostolica, tenore praesentium concedimus, & indulgemus, ut cum eis expedire visum fuerit, quoslibet suarum Religionum, Ordinum, & Instituti Religiosos, quos aetate, vita, moribus, & scientia idoneos esse ad Missiones judicaverint, ad praedictas Insulas, Provincias, Regiones, & Regna Indiae Orientalis, etiam per alias vias, quam per Lusitaniam, libere, & licite mittere possint, ac valeant; servata tamen in reliquis praefatarum Literarum Clementis Praedecessoris nostri forma in omnibus, & per omnia, & non aliter.

§.5. Necnon quoscumque Ecclesiasticos, & Religiosos cujuscumque Ordinis, tam non Mendicantium, quam Mendicantium, etiam Societatis Jesu, & seculares, Religiosorum, ut praefertur, mittent ad Insulas, Provincias, Regiones, & Regna praedicta accessum hujusmodi impedientes excommunicationis latae sententiae vinculo innodamus.

§.6. Religiosos vero, ut supra mittendos, ac etiam missos, & in praedictis locis nunc degentes, plurimum in Domino hortamur, ut in docendo populos, & praesertim de recenti ad fidem christianam conversos, uniformes sint, ne ob doctrinae diversitatem, praesertim in materiis moralibus, Neophiti illi aliquod scandalum patiantur; Et quia in hac re Generalium praefatorum curam, & vigilantiam plurimum

Modo ut facilius Christi Evangelium possit praedicari in Insulis, & Regibus Orientalibus, concedit Superioribus quorumcumque Ordinum, ut religiosos ad ipsas Provincias mittere possint, etiam per alias vias, quam per Lusitaniam.

Impedientes hujusmodi accessum excommunicantur.

Religiosis missis, ut utantur Catechismo Romano, & Doctrinae Chart. Card. Bellarmini in instructis illis gentibus praecipit.

Christianis in illa Provincia existentibus...

Religiosi huiusmodi missis mercaturam...

profuturam arbitramur, eisdem inungimus, ut predictos suos Religiosos ad servandam...

§.7. Quoniam autem, sicut non sine animi nostri dolore intelleximus, in Japone a pluribus annis contra Christianos...

§.8. Ceterum quia a sacris Canonibus, Conciliorum decretis, ac Apostolicis Constitutionibus, omnibus Religiosis...

dictas poenas procedant, sublata eisdem facultate huiusmodi delinquentibus...

§.9. Quod si forte aliqua controversia inter Religiosos distarum Religionum...

§.10. Decernentes presentes literas validas, firmas, & efficaces existere...

§.11. Sicut per quoscumque Iudices ordinarios, & delegatos, etiam causarum palatii apostolici Auditores...

§.12. Mandantes propterea universis, & singulis Patriarchis, Archiepiscopis, Episcopis, ac ceteris Ecclesiarum...

§.13. Non obstant, interdictis, & prohibitionibus, ac literis distarum praedecessorum, aliisque praemissis...

Controversis omnibus providere, ut minores Episcopi cognoscant...

Preservativas clausulas apponit.

Sicq; iudicari mandatur.

Exhibere huius constituti deputat.

Contraria auferit.

& in-

& individua, ac de verbo ad verbum, non autem per clausulas generales idem importantes mentio...

§.14. Et quia difficile foret, presentes literas ubicumque usus venerit, & publicari...

Datum Romae apud S. Petrum sub anulo Piscatoris, die 22. Februarii 1633. Pont. anno 10.

CDXXXVI.

Subsidium decem, & novem millionum nummorum aureorum in Regnis Castellae, & Legionis pro Rege Catholico.

Ex Regis in Secret. Brevis. Charissimo in Christo filio nostro Philippo Hispaniarum Regi Catholico.

URBANUS PAPA VIII.

Charissime in Christo fili nostro salutem, & apostolicam benedictionem.

Exordium: AD universalis Ecclesiae regimen, merito licet imparibus, imperferutabili divinae providentiae iudicio vocati...

§.1. Cum itaque, sicut Majestatis tuae nomine nobis nuper expositum fuit, laici subditi Regnorum tuorum Castellae, & Legionis in eorum novissimis Comitibus, sive

curtis de anno 1632. proxime praeterito habitis, animadvertentes subsidium decem, & octo millionum nummorum aureorum, spatio novem annorum ex gabellis, seu sisis tunc impositis super vino, oleo, aceto, & carne solvendum...

§.2. Et sicut expositio Majestatis tuae subungebat, si tantummodo laici subsidium huiusmodi contribuerent, & gabellas seu sisas praedictas solverent, summa praedicta decem, & novem millionum, cum dimidio alterius millionis minime conficeretur infra tempus opportunum, quo Majestas tua

Hanc eis concedi facultatem Rex petiit.

tua bellorum contra fidem catholicam ingruentium, & precipue Charissimi in Christo filii Nostri Ferdinandi Romanorum Regis in Imperatorem electi in Germania ad reprimendum Svecorum invasiones, aliorumque haereticorum conatus bellum ad praesens gerentis necessitatibus subvenire possit, & ad summam praefatam, ea qua expedit celeritate conficiendam facultates laicorum non suppetent; Nobis propterea Majestas tua humiliter supplicari fecit, ut praemissorum confirmationem, & approbationem, ac licentiam concedere de benignitate apostolica dignaremur.

Concedit Pontifex.

§.3. Nos igitur nedum promptam, & obsequentem eorumdem laicorum subditorum tuorum in te oblationem, verum etiam Majestatis tuae erga praefatam fidem catholicam zelum, & in ope dicti Ferdinandi Regis in Imperatorem electi ferenda voluntatem commendantes, ac ad ingentes sumptus, quibus Majestas tua propter urgentes, & extraordinarias necessitates hujusmodi jugiter premitur, nostrae paternae considerationis intuitum dirigentes, Clerum praefatum in solutione gabellarum seu fizarum praedictarum, modo tamen, & forma infra scriptis, hac vice concurrere debere censuimus.

Nonnullis tamen additis conditionibus, quae hic reperiuntur.

§.4. Motu igitur proprio, & ex certa scientia, ac matura deliberatione Nostri, deque apostolica potestatis plenitudine, omnes, & singulas ecclesiasticas personas tam seculares, quam cujusvis Ordinis etiam exempti, & Apostolicae Sedi immediate subiecti regulares, nec non Monasteria utriusque sexus, Conventus, & Collegia, ac Capitula Ecclesiarum Regnorum Castellae, & Legionis praefatorum, ac in eisdem Regnis commorantium, & consistentium, ad conferendum, & contribuendum pro ut laici in dicto subsidio decem, & novem millionum nummorum aureorum, cum dimidio alterius millionis hujusmodi, mediante scilicet solutione praedictarum gabellarum, seu fizarum super vino, aceto, oleo, & carne in dictis Regnis colligendis, & consumendis impositarum, & durante sexennio proximo a dicto primo die Augusti 1632., ut praefertur, inchoato dumtaxat, & non ultra, teneri, & obligatos esse, non tamen quo ad praefatas quatuor rerum species, quas ex propriis Terrenis, seu decimis aut aliis quibuscumque redditibus propriis, per se vel alios etiam assiduarios suos, vel etiam ex elemosinis percipiunt, & pro divino cultu, seu propriis, vel familiarum suarum usibus consumunt, pro quibus omnino immunes, & exempti sint, & elapso praedicto sexennio exactio respectu ecclesiasticorum cesset, & nullatenus quovis praetextu, vel causa continuari possit; etiam si integra summa praefatorum decem, & novem millionum nummorum aureorum, cum dimidio alterius millionis hujusmodi adhuc non fuisset exacta; quodque si ante sexennium hujusmodi finem, summa decem, & novem millionum nummorum aureorum, cum dimidio alterius millionis hu-

jusmodi confecta fuerit, ecclesiastici praedicti amplius contribuere, & dictas gabellas seu fisas, ut praefertur,olvere non debeant, sed praesens gratia expiret, nulla- que sit eo ipso, tenore praesentium decernimus: Volentes etiam quod omnes, & singuli ecclesiastici praedictiolvere recusantes opportunis juris, & facti remediis per Ordinarios ecclesiasticos locorum tantum ad solutionem hujusmodi cogantur, non autem coram Judicibus laicis, sive exactoribus earumdem gabellarum sive fizarum, neque quibusvis aliis Judicibus, aut ministris sub poena excommunicationis majoris, ac aliis poenis a Sacris Canonibus, & Constitutionibus Apostolicis inflis, & comminatis, ipso facto incurrendis, (a quibus nemine praeterquam a Nobis, & Romano Pontifice pro tempore existente absolvi, etiam vigore quorumcumque Privilegiorum Apostolicorum, & Cruciatum Sanctae nequeant) conveniri nullo modo possint seu debeant, sed a praedictis Ordinariis ecclesiasticis tantum ad solutionem hujusmodi compelli valeant: quibus Ordinariis sub interditi ingressus Ecclesiae, ac suspensionis, nec non omnibus, & singulis Majestatis tuae Officialibus, & Ministris, cujusvis status, gradus, conditionis, dignitatis, & praerogativae fuerint, ac aliis quibuscumque speciali nota dignis, etiam Apostolicae Sedis delegatis, & commissariis etiam Cruciatum praefatae, ceterisque omnibus, aliisque, ad quos quomodolibet spectat, & pro tempore spectabit, sub praefatae excommunicationis majoris poena, eo ipso incurrenda districte praecipiendo mandamus, ut divini iudicii memores, ne Clerum, & ecclesiasticos indebite, neque ultra, praeter, aut contra continentiam, & tenorem praesentium nostrarum Literarum gravent quomodolibet, nec a quoquam gravari permittant, & nedum contra quoscumque contravenientes, & quomodolibet inobservantes, ad sententiarum, censurarum, & poenarum praedictarum declarationem, & promulgationem respective, sed etiam contra eisdem ecclesiasticos, & regulares etiam exemptos, nobisque, & Apostolicae Sedi immediate subiectosolvere recusantes, ad quamcumque simplicem eorumdem Exactorum requisitionem, etiam exequutive, ac quacumque appellatione remota, auctoritate nostra procedant.

Hoc subsidium loco quorumcumque aliorum subsidiorum decimarum &c. solvi mandatur.

§.5. Volumus autem, quod istud subsidium decem, & novem millionum cum dimidio alterius millionis succedat loco quorumcumque aliorum subsidiorum super millionibus per nos hactenus approbatorum, & concessorum, ita quod illorum vigore nihil amplius a quoquam exigi possit: quodque pecuniae ex praefatis subsidiis, & gabellis, seu fisis, ut praefertur, a dictis ecclesiasticis exigenda, in praefatos, & non alios usus convertantur, super quo Majestatis tuae conscientiam oneramus.

Clausulae necessarias addit legatos

§.6. Decernentes praesentes Literas validas, firmas, & efficaces existere, sicque per quoscumque Judices ordinarios, & de-

legatos etiam causarum Palatii Apostolici Auditores, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & ordinationibus Apostolicis etiam in quibusvis generalibus Conciliis editis, privilegiis quoque, indultis, & Literis Apostolicis Ecclesiis, Regnis, Personis, Capitulis, Monasteriis, Conventibus, & Collegiis, & aliis praefatis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, ac irritantibus, & aliis decretis in contrarium praemissorum quomodolibet concessis, confirmatis, & innovatis: quibus omnibus etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda esset, illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Praesentium transumptis credi jubet.

§.7. Ut autem praesentes nostrae Literae, cum opus fuerit, ad omnium notitiam, facilius devenire possint, decernimus, ut eorum exemplis etiam impressis manu alicujus publici Notarii subscriptis, & sigillo alicujus personae in dignitate ecclesiastica constitutae munitis, eadem prorsus fides in iudicio, & extra ubique habeatur, quae ipsis praesentibus haberetur, si forent exhibitae, vel ostensa.

Datum die 5. Martii 1633. An. X.

Datum Romae apud Sanctum Petrum sub Annulo Piscatoris die 5. Martii 1633. Pontificatus Nostri Anno X.

CDXXVII.

Ex Reg. in Secret. Breve.

Super exemptione Cleri Regnorum Castellae, & Legionis a Solutione Decimae.

URBANUS PAPA VIII.

Ad futuram rei memoriam.

Referretur statuta sunt in praecedenti Constitutione

§.1. Hodie pro parte Charissimi in Christo filii nostri Philippi Hispaniarum Regis Catholici Nobis exposito, quod laici subditi Regnorum Castellae, & Legionis ejusdem Philippi Regis in eorum Comitibus, seu Curias de anno 1632. proxime praeterito habitis animadvertentes, subsidium decem, & octo millionum nummorum aureorum alias a praefatis subditis suis pro fidei catholicae defensione, & obedientiae erga Sanctam Romanam Ecclesiam conservatione sibi oblatum, & a Nobis per nostras in simili forma Brevis sub die 29. Maii

anni 1629. expeditas Literas ad novem annos approbatum, & confirmatum, ob nonnullas causas effectum sortiri non posse, imo penitus cessasse, eundem vero Philippum Regem, ad reprimendum fidei orthodoxae hostium conatus, gravissimis assidue sumptibus urgeri, ejusque araria penae exhausta esse, itaut nisi de alio extraordinario, celerique, & prompto subsidio provideretur, eundem Philippum Regem eodem sumptus in tam laudabilem, ac Deo gratam, & Reipublicae Christianae utilem causam convertendos diutius ferre difficile posse: aliud servitium, sive subsidium, quod in totum summam decem, & novem millionum nummorum aureorum cum dimidio alterius similis millionis, sex annorum a prima die mensis Augusti anni proxime praeteriti 1632. inchoatorum spatio, trium scilicet millionum, & unius quarti alterius millionis hujusmodi pro quolibet anno persolverent, conficere deberet ex gabellis, fisis nuncupatis alias impositis, & aliis super vino, aceto, oleo, & carne in dictis Regnis Castellae, & Legionis colligendis, & consumendis non solum per ementes, & vendentes solvendis sed etiam per eos, qui praefatas rerum species percipiunt ex propriis Terrenis, vel assiduis, aut respective emunt in ovis, vel olivis, seu colligunt pro Decimis, aut etiam dono accipiunt, seu alias ex quovis alio reddito, & introitu habent, & consumunt, praestare prompte obtulerant: & postquam Nostra, & hujus Sanctae Sedis licentia, seu approbatio accessisset, etiam Ecclesiastici eorumdem Regnorum in subsidio hujusmodi contribuere, gabellaeque, seu fisas praedictas juxta Literarum Nostrarum in forma Brevis super concessione praedictae licentiae, seu approbationis expediendarum formarum, continentiam, & tenorem persolvere deberent; Nos ex causis in expositione praedicti Philippi Regis expressis induciti, ut scilicet ipse Philippus Rex bellorum contra fidem catholicam ingruentium, & precipue charissimi in Christo filii Nostri Ferdinandi Romanorum Regis in Imperatorem electi in Germania ad reprimendum Svecorum invasiones, aliorumque haereticorum conatus bellum ad praesens gerentis necessitatibus infra tempus opportunum subvenire posset; ideo propter urgentes, & extraordinarias necessitates hujusmodi, motu proprio, & ex certa scientia, ac matura deliberatione Nostri, deque apostolica potestatis plenitudine, omnes, & singulas ecclesiasticas personas tam seculares, quam cujusvis Ordinis etiam exempti, & Apostolicae Sedi immediate subiecti regulares, nec non Monasteria utriusque sexus, Conventus, & Collegia, ac Capitula Ecclesiarum Regnorum Castellae, & Legionis praedictorum, ac in eisdem Regnis commoran., & consistent., ad conferendum, & contribuendum, prout laici in dicto subsidio mediante solutione praefatarum gabellarum, seu fizarum super vino, aceto, oleo, & carne in dictis Regnis colligendis, & consumendis impositarum,

rum, & auctarum, & durante sexennio proximo a prima die dicti mensis Augusti 1632. inchoato, & non ultra, ac sub certis modo, & forma tunc etiam expressis ea vice teneri, & obligatos esse decrevimus. Voluimus tamen, quod praedictum subsidium decem, & novem millionum cum dimidio alterius millionis succedere deberet loco quorumcumque aliorum subsidiorum per Nos hactenus super millionibus approbatorum, & concessorum, ita quod illorum vigore nihil amplius a quoquam exigi posset, quodque pecunia per dictos Ecclesiasticos in praefatis gabellis solvendae in praefatos, & non in alios usus converterentur, & alias prout in Nostris desuper in simili forma Brevis hodie expeditis Literis, quarum tenores praesentibus haberi volumus pro expressis, ac de verbo ad verbum insertis, plenius continetur.

§.2. Cumque alias etiam dicti Ferdinandi Regis in Imperatorem electi contemplatione, & intuitu, ac supplicationibus ipsius Philippi Regis nomine Nobis super hoc humiliter porrectis inclinati, per alias similiter Nostras sub die 5. Februarii dicti anni 1632. expeditas Literas unam semel per solvendam Decimam, quae in totum ad summam sexcentorum millium ducatorum monetae Hispaniarum ascenderet, juxta taxam, seu repartitionem a Ven. Fratre Caesare Patriarcha Antiocheno Nostris, & Apostolicae Sedis in Regnis Hispaniarum Nuncio faciendam, omnium fructuum, reddituum, & proventuum, obventionum, & emolumentorum, ac distributionum quotidianarum, nec non pensionum annuarum Cleri Secularis, & quorumvis Ordinum, institutorum, & Societatum, ac Militiarum quarumcumque non tamen Hospitalis Sancti Joannis Hierosolymitani, regularis non solum Castellae, & Legionis, sed etiam aliarum Provinciae, & Ditionum Hispaniarum, & Insularum illis adiacentium, ac alias sub certis modo, & forma similiter tunc expressis indixerimus, & imposuerimus.

§.3. Considerantes praefatum servitium, sive subsidium decem, & novem millionum nummorum aureorum cum dimidio alterius millionis hujusmodi non modo praefatam concessionem super similibus millionibus Nobis de anno 1629. sed etiam quascumque alias concessionem, & gratias super aliis millionibus per quosvis Romanos Pontifices praedecessores nostros Regibus Hispaniarum ejusdem Philippi Regis praedecessoribus, ac eidem Philippo Regi respective factas excedere, ac subventioni Cleri Regnorum Castellae, & Legionis consulere, & ne Clerus praedictus duplici excessivo onere millionum scilicet, & decimae hujusmodi gravetur, provida ratione praecavere volentes, motu, scientia, & deliberatione, ac potestatis plenitudine similibus, ratam, & quantitatem, quam illi de dicto Clero eorumdem Regnorum Castellae, & Legionis, exceptis tamen infra scriptis, hactenus, & imposterum ratione praefata decimae solverint, eidem Clero Regnorum Castellae, & Legionis scilicet praefatis, qui illam solverint, modo tamen, & forma

sequentibus restituendam esse, & restitui debere decernimus, & mandamus, onusque eandem ratam, ut praefertur, restituendi tenore praesentium super Clero aliorum Regnorum, Provinciae, seu Ditionum, ac Insularum praefatae decimae solutioni obnoxiarum, qui in solutione subsidii, praedictorum novem, & decem millionum cum dimidio alterius millionis nihil omnino conferunt, injungimus, & imponimus.

§.4. Quocirca eidem Caesari Patriarcha modernis, & pro tempore existentis Nuncio hujusmodi per praesentes committimus, & mandamus, ut eandem ratam decimae juxta formam praefatarum Literarum per solutam, & per solvendam per praefatos de Clero ipsorum Regnorum Castellae, & Legionis a Clero praefatorum aliorum Regnorum, Provinciae, & Ditionum, ac Insularum ejusdem decimae solutioni obnoxio, juxta taxam, & repartitionem ab eodem Nuncio facient, iuris, ac facti remediis, ac sub sententia, censuris, & poenis ejus arbitrio infligendis, & moderandis etiam executive, ac omni, & quacumque appellatione, reclamatione, & recursum remotis, & sublati per se, suosque delegatos exigit, & exigi faciat, illamque eidem Clero ipsorum Regnorum Castellae, & Legionis scilicet illis, qui (exceptis tamen, ut praefertur, infra scriptis) illam solverint, restituant, ac restitui faciat realiter, & cum effectu.

§.5. Sub hoc autem Decreto, & mandato de restituenda rata dictae decimae soluta, & solvenda comprehendere nolumus Praeceptores, Bajulivos, & Priores Ordinum Militiarum praedictorum Regnorum, Castellae, & Legionis, neque Episcopos, Archiepiscopos Metropolitanos, & Primate eorumdem Regnorum Castellae, & Legionis, qui praedictae decimae solutioni consenserint, nec quatuor Sanctae Romanae Ecclesiae Cardinales in Romana Curia praesentes, ac Ecclesiastica Beneficia, & seu pensiones quascumque in praedictis Regnis Castellae, & Legionis obtinentes, qui pro concessionem approbationis subsidii praefati decem, & novem millionum cum dimidio apud Nos efficaciter iteratisque officiis insisterunt, minusque eorumdem Regnorum Castellae, & Legionis Monasteria, Coventus, Collegia, & loca Regularia praeterquam sanctimonialium, eorumque Praepositos, Superiores, & personas regulares, qui, & quae praefatam decimam solvere conventualiter, vel alias juxta eorum solitum stilum consenserint, quibus nihil restituendum esse declaramus. Ut autem Clerus Regnorum, Provinciae, seu dominiorum, ac Insularum solutioni dictae decimae obnoxius ex impositione hujusmodi oneris restituendi, seu solvendi ratam dictae decimae praefato Clero Regnorum Castellae, & Legionis minus, quantum fieri potest, gravetur, volumus praefato oneri restituendi minime subjacere Hospitalia hospitalitatem actu exercentia, Ecclesias, & loca pia quaecumque ex elemosynis dumtaxat viventia, ac Rectores Parochialium Ecclesiarum, quarum certum, alia vero Beneficia obtinentes, & in aliquo ex eis residentes,

Totamque Decimam super ceteros Hispaniarum Ecclesiasticos dividi.

Mandata haec de re Nuncio Apostol. dat.

Nonnullos a restitutione exempt.

Revenset quoque impolita praeterea anno Decimam quamdam super onnes Hispaniarum Ecclesiasticis.

Ecclesiasticis Regnorum Castellae, & Legionis, si quid nomine hujus Decimae solverint, restitui jubet.

fidentes, quorum insimul quadraginta ducatos auri de Camera fructus, redditus, & proventus annuatim non excedunt.

§.6. Et ut ceteri de dicto Clero Regnorum, Provinciae, seu Ditionum, & Insularum hujusmodi facilius hoc novum onus sustinere valeant, illis terminum annorum trium, vel quatuor, aut quinque arbitrio ejusdem Nuncii incipien. ad restituendum praedictam ratam decimae in annis equalibus, & distinctis solutionibus per eundem Nuncium proportionabiliter assignandis concedimus.

§.7. Volumus autem, quod finita exactione praedictae decimae sexcentorum millium ducatorum monetae Hispaniae, ac finita praedicta restitutione, gravamen praefatum impositionis, & restitutionis cesset eo ipso sine spe illius prorogationis, vel novae concessionis.

§.8. Decernentes, praesentes literas validas, firmas, & efficaces existere, & fore, sicque per quoscumque Judices ordinarios, & delegatos, etiam causarum Palatii Apostolici Auditores, sublata eis, & eorumcuique quavis aliter judicandi, & interpretandi facultate, & auctoritate, iudicari, & definituri debere, ac irritum, & inane, si secus super his a quoquam quavis auctoritate scierit, vel ignoranter contigerit attentari.

§.9. Non obstant. praemissis, ac omnibus illis, quae in singulis literis praefatis volumus non obtinere, ceterisque contrariis quibuscumque.

§.10. Volumus autem, quod praesentium transumptis etiam impressis manu Notarii publici subscriptis, & sigillo persona in dignitate ecclesiastica constituta, munite, eadem prorsus fides in iudicio, & extra adhibeatur, quae ipsis praesentibus adhiberetur, si forent exhibite, vel ostensa.

Datum Romae apud Sanctum Petrum sub Annulo Piscatoris die 5. Martii 1633. Pontificatus Nostri Anno X.

CDXXVIII.

Confirmatio Transactionis initae inter DD. Cardinales ab Harrach, & Pallottum Summi Pontificis Delegatos, & Ferdinandi Imperatoris Plenipotentiarios super bonis Ecclesiasticis Regni Boemiae; qua quidem Transactione praedicta bona crassante eo in Regno Haereticorum rebellionem usurpata Regi conceduntur; Ecclesiasticis autem certa pars vestigialis, quod Salis appellatur, adjudicantur.

URBANUS PAPA VIII.

Ad perpetuam rei memoriam.

Sancta Mater Ecclesia super fundamentum Apostolorum, & Prophetarum, ipso summo angulari lapide Christo Jesu aedificata, non modo aeterni Sacerdotii dignitate ab ipso Christo insignita est, verum Bull. Rom. Tom. VI. Par. I.

Terminum annorum praefinit ad restituendam.

Finis quoque exactione hujusmodi onus sublatum esse declarat.

Clausula.

Transumptis danda fides.

Dat. die 5. Martii 1633. An. X.

Ex Regest. in Secret. Breve.

Procurator.

rum etiam in vestitu deaurato circumdata varietate, temporalium bonorum possessione exornata, ut nec pulchritudini desissent ornamenta, nec majestati praesidia. Quapropter Apostolica Romanorum Pontificum sollicitudo non in iis tantum prospiciendis versatur, quae spiritualis traditae sibi coelitus potestatis munia respiciunt, verum etiam ad ea pastoralis vigilantiae suae partes sedulo intendit, per quae bonorum temporalium eorumdem Ecclesiarum conservationi, quantum cum Domino fieri potest, opportuna ratione providetur.

§.1. Alias siquidem cum concitata retroactis temporibus in Regno Boemiae per Principes, & Potestates Tenebrarum rebellionem, furentibusque etiam armata haereticis seditionibus, bellisque intestinis multa bona, & Jura ecclesiastica partim direpta, partim occupata, & usurpata fuissent, & tunc temporis detinerentur, charissimus in Christo filius noster Ferdinandus Romanorum Rex in Imperatorem electus pro suo avito, & spectato religionis, & fidei catholicae zelo profligatis auxiliante Domino Deo Exercituum rebellibus haereticis, sedatisque armorum motibus Fidei praedictae in dicto Regno, & illi adjacentibus Provinciae, bonorumque ecclesiasticorum restitutioni totis viribus incumberet.

§.2. Nos ex causis tunc expressis, dilectis filiis Nostris Ernesto Adalberto ab Harrach Ecclesiae Praegen. ex concessionem, & dispensationem Apostolicam Praesuli, nec non tunc Nostris, & Apostolicae Sedis apud eundem Ferdinandum Regem in Imperatorem electum Nuncio Joanni Baptista S. R. E. Praesbyteris Cardinalibus Palloto respectively nuncupatis super bonis, decimis, primitiis, rebus, Juribus, & actionibus quibuscumque ecclesiasticis Regni Boemiae praedicti, non tamen ad Hospitale Sancti Joannis Hierosolymitani quomodolibet spectant, cujuscumque qualitates, quantitates, & valoris fuissent, ac quocumque praetextu, vel causa occupata, & usurpata essent, & detinerentur, tam Nostris, & ejusdem Sanctae Sedis, quam Cleri Secularis, & Regularis ejusdem Regni nominibus cum praedicto Ferdinando Romanorum Rege in Imperatorem electo conveniendi, concordandi, & transigendi, ac de eisdem bonis disponendi, prout ad fidei catholicae in eodem Regno propagationem, & maintenancem eisdem expedire visum fuisset, reservata tamen Nobis, & eidem Sedi de bonis, Juribus, & redditibus vigore literarum nostrarum desuper confectarum assignandi nostro, & dictae Sedis arbitrio ad Dei servitium, & Ecclesiarum dicti Regni utilitatem disponendi, omnimoda facultate, & potestate plenam, & liberam potestatem, & auctoritatem apostolica auctoritate concessimus, & impartiti sumus, & alias, prout in nostris desuper in simili forma Brevis expeditis, & in infra scripto Instrumento insertis Literis plenius continetur.

§.3. Cum autem, sicut accepimus, Ernestus, & Joannes Baptista Cardinales praedicti

Ferdinando Imperat. ecclesiarum ab Haereticis dirreptarum bonis consulentes.

Urbanus Cardinalibus ab Harrach, & Pallotto facultatem concedit cum eo transigendi Cleri secularis, & regularis nominis.

Qui Concilio diano injerant dicti